

AGINTARIAK ETA LANGILERIA

Oposaketak eta lehiaketak

OSAKIDETZA-EUSKAL OSASUN ZERBITZUA

5646

1826/2022 EBAZPENA, azaroaren 24koa, Osakidetza-Euskal osasun zerbitzuko zuzendari nagusiarena, zeinaren bidez onartzen diren estatutupeko lotura finkoa lortzeko hautaketa-prozesua arautuko duten oinarri espezifikoak Teknikari Espezialista Sanitarioak lanbide-taldeko Aho Hortzen Higieneko Teknikari Espezialista kategorian, Osakidetza-Euskal osasun zerbitzuko zerbitzu sanitarioetako erakundeetako destinoetan.

Osakidetza-Euskal osasun zerbitzuko zuzendari nagusiaren azaroaren 24ko 1736/2022 Ebazpenaren bidez onartu dira Osakidetza-Euskal osasun zerbitzuan estatutupeko lotura finkoa lortzeko deitutako hautaketa-prozesu hauetako oinarri orokorrak: 2020ko, 2021eko eta 2022ko urteetakoak eta egonkortzeko prozesukoak.

Hautaketa-prozesu bakoitza gauzatzeko, beharrezkoa da kategoría bakoitzeko destinoen deialdia arautuko duten oinarri espezifikoak argitaratzea.

Horregatik, kontuan izanda Euskadiko Antolamendu Sanitarioaren ekainaren 26ko 8/1997 Legea, Osasun-zerbitzuetako estatutupeko langileen esparru-estatutuaren abenduaren 16ko 55/2003 Legea, Enplegatu Publikoaren Oinarrizko Estatutuaren testu bategina onartzen duen urriaren 30eko 5/2015 Legegintzako Errege Dekretua, Osakidetza-Euskal osasun zerbitzua Ente Publikoaren lanpostu funtzionalak arautzen dituen uztailaren 19ko 186/2005 Dekretua, Osakidetza-Euskal osasun zerbitzua Ente Publikoaren Estatutu Sozialak ezartzen dituen azaroaren 11ko 255/1997 Dekretua eta indarrean dauden gainerako xedapen aplikagarriak,

EBAZTEN DUT:

Lehenengoa.– Oinarri hauen xede diren hautaketa-prozesuetarako deia egitea.

Bigarrena.– Osakidetzan estatutupeko lotura finkoa lortzeko hautaketa-prozesuak (lehiaketa-oposizioko blokea eta lehiaketako blokea) arautuko dituzten oinarri espezifikoak onartzea, I. eranskinean jasotakoak, Teknikari Espezialista Sanitarioak lanbide-taldeko Aho Hortzen Higieneko Teknikari Espezialista kategorian, Osakidetza-Euskal osasun zerbitzuko zerbitzu sanitarioetako erakundeetako destinoetan.

Hirugarrena.– Ebazpen honen II. eranskinaren bidez onartzea bloke bakoitzean (lehiaketa-oposizioko blokea eta lehiaketako blokea) eskainitako destinoen zerrenda.

Laugarrena.– Ebazpen honen III. eranskinean agertzen den merezimenduen baremoa onartzea (baremo bera da oposizio-lehiaketaren blokerako eta lehiaketaren blokerako).

Bosgarrena.– Lehiaketa-oposizioko blokeko gai-zerrenda onartzea, Ebazpen honen IV. eranskinean jasotakoa.

Seigarrena.– Deialdi honetan parte hartzeko eskaera aurkezteko epea 2023ko otsailaren 21etik 2023ko martxoaren 20ko 14:00ak artekoa izango da, hala ezarri baita oinarri orokorrak onartzen dituen Osakidetza-Euskal osasun zerbitzuko zuzendari nagusiaren azaroaren 24ko 1736/2022 Ebazpenaren 9.3 oinarrian.

2022ko abenduaren 27a, asteartea

Zazpigarrena.– Ebazpen honen aurka gora jotzeko errekurtoa jarri ahal izango zaio Osakidetza-Euskal osasun zerbitzuko Administrazio Kontseiluari. Horretarako, hilabeteko epea izango da, Ebazpena EHAAan argitaratzen den egunaren hurrengo egunetik hasita, Administrazio Publikoen Administrazio Prozedura Erkidearen urriaren 1eko 39/2015 Legean, Euskadiko Antolamendu Sanitarioari buruzko ekainaren 26ko 8/1997 Legean eta Osakidetzaren estatutu sozialak ezartzeko azaroaren 11ko 255/1997 Dekretuan ezarritakoaren arabera.

Vitoria-Gasteiz, 2022ko azaroaren 24a.

Osakidetza-Euskal osasun zerbitzuko zuzendari nagusia,
MARÍA ROSA PÉREZ ESQUERDO.

I. ERANSKINA

OSAKIDETZA-EUSKAL OSASUN ZERBITZUAN ESTATUTUPEKO LOTURA FINKOA
LORTZEKO HAUTAKETA-PROZESUAK ARAUTUKO DITUZTEN OINARRI ESPEZIFIKOAK
TEKNIKARI ESPEZIALISTA SANITARIOAK LANBIDE-TALDEKO AHO HORTZEN
HIGIENeko TEKNIKARI ESPEZIALISTA KATEGORIAN, OSAKIDETZA-EUSKAL OSASUN
ZERBITZUKO ZERBITZU SANITARIOETAKO ERAKUNDEETAKO DESTINOETAN

1.– Deialdiaren xede diren destinoak.

1.1.– Deialdi honen xede izango dira Teknikari Espezialista Sanitarioak lanbide-taldeko Aho Hortzen Higieneko Teknikari Espezialista kategoriako Osakidetza-Euskal osasun zerbitzuko zerbitzu sanitarioetako erakundeetako destinoak; II. eranskinean jasota daudenak, alegia.

1.2.– Deialdian sartutako destinoen % 7 desgaitasunen bat duten langileek betetzeko gordeko dira, II. eranskinean jasotako oinarri orokorretako 1.3 oinarrian ezarritako banaketaren arabera.

2.– Izangaiek bete beharreko eskakizunak.

Honen bidez araututako prozesuan parte hartzeko, izangaiek, oinarri orokorretan ezarritako salbuespenak kenduta, aurkezteko epearen azken egunean bete beharreko eskakizunez gain, oinarri orokorretan jasota daudenak ere bete beharko dituzte, eta horiek kasuan kasu esleitzen den destinoa jabetzan hartu arte bete beharko dira:

a) Oinarri orokorretako 6.2.c) apartatuan xedatutakoarekin bat, Aho Hortzen Higieneko Goi Mailako Teknikariaren Lanbide Heziketako titulua edo baliokidea izatea, Hezkuntza eta Zientzia Ministerioak emana.

b) Edonola ere, lortu nahi den lanpostuaren baldintzak betetzea, indarrean dagoen araudiaren arabera.

c) Eskabideak aurkezteko epearen barruan, izena emateko eskubideengatik dagokion tasa ordaindu izana, eskainitako destinoen lanbide-taldearen arabera:

C1 taldea (C talde zaharra): 15 euro.

3.– Prozesua nola garatuko den:

3.1.– Lehiaketa-oposizioko blokearen eta lehiaketako blokearen lehiaketa-fase bateratua.

3.1.1.– Eskakizunen eta merezimenduen egiaztapena. Dokumentazioa aurkeztea.

Onartutakoen eta baztertutakoen behin betiko zerrendan onartuta dauden izangaiek 10 egun balioduneko epea izango dute –onartutakoen eta baztertutakoen behin betiko zerrenda jasotzen duen ebazpena argitaratzen den egunaren hurrengotik hasita– deialdian parte hartzeko eskatzen diren baldintzen eta merezimenduen alegazioa egiteko, bai eta horien inguruko egiaztagiria aurkezteko ere, 12.1 oinarrian ezarritakoaren arabera.

Egiaztatutako merezimenduak III. eranskineko merezimenduen baremoaren arabera baloratuko dira, oinarri orokorretan ezarritako irizpideen arabera (12.2 oinarria).

3.1.2.– Oinarri orokorretako 14.1.1 apartatuan (lehiaketa-oposizioko blokea) eta 14.2.1 apartatuan (lehiaketako blokea) zehaztutako puntuazio-hurrenkeraren arabera izangaien behin-behineko zerrenda argitaratu ondoren, I. eranskinean agertzen diren proposatutako izangaiek honako dokumentu hauek aurkeztu beharko dituzte:

– Hezkuntza eta Zientzia Ministerioak emandako Aho Hortzen Higieneko Goi Mailako Teknikaria-
ren tituluaren edo baliokidearen fotokopia konpultsatua edo notarioaren testigantza.

Izangai bat aldi berean lehiaketa-oposizioko blokeko I. eranskinean eta lehiaketako blokeko
I. eranskinean sartuta badago, dokumentazioa behin bakarrik aurkeztu beharko du, oinarri oroko-
rretan ezarritakoaren arabera (14.1.2 oinarria).

3.2.– Lehiaketa-oposizioko blokeari dagokion oposizio-fasea:

Epaimahai kalifikatzaileari dagokio probaren edukia eta kalifikazioa zehaztea, eta, horretarako,
hautaketa-prozesua behar bezala garatzeko beharrezkotzat jotzen dituen neurriak hartuko ditu,
eta prozesuaren gardentasuna eta objektibotasuna bermatuko du.

Epaimahaiak Osakidetza-Euskal osasun zerbitzuari eskatu ahal izango dio aholkulariek parte
har dezatela hautaketa-prozesuaren fase guztietan, bai proba prestatzeari dagokionez, bai lehia-
keta-fasean. Aholkulariek epaimahaikideei eskatzen zaien titulu-eskakizun bera izango dute.

Epaimahaiak Osakidetza-Euskal osasun zerbitzuari kanpoko erakunde aholkularietara jotzea
ere eskatu ahal izango dio, probak prestatzeko eta oposizio-fasean probekin zerikusia duten gai
guztietarako.

Probari idatziz erantzun beharko zaio, ematen den gehieneko denboraren barruan, eta galderak
IV. eranskinean jasotako gaiei buruzkoak izango dira.

Gai-zerrenda komunari buruzko galderak Osakidetzaren webgunean argitaratutako galdera-sor-
tatik aterako dira.

Gai-zerrenda orokorrari buruzko galderak prestatzeko bibliografia ere eranskin berean emango
da.

Epaimahai kalifikatzaileari dagokio gai-zerrenda komuneko galderak hautatzea eta gai-zerrenda
orokorreko galderak hautatzeari buruzko erabakiak hartzea. Epaimahaiak galdera horiekin guztiekin
osatuko du, hain zuzen ere, ariketa teorikoa.

II. ERANSKINA

DESTINOEN ZERRENDA KATEGORIA HONETAN: AHO HORTZEN HIGIENENKO
TEKNIKARI ESPEZIALISTA

Osakidetza-Euskal osasun zerbitzuko zuzendari nagusiaren 1736/2022 Ebazpenaren bidez onartutako oinarri orokorretako 1. oinarrian xedatutakoaren arabera, destino hauek betetzeko deialdia egiten da:

Lehiaketa-oposizio blokea:

Txanda askeko deialdia: 1 destino.

Sarbide orokorra: 1.

Erreserba-kupoa desgaitasunen bat duten pertsonentzat: 0.

– Adimen-desgaitasuna duten pertsonentzako kupoa: 0.

– Bestelako desgaitasunak dituzten pertsonentzako kupoa: 0.

Adimen-desgaitasuna duten langileentzako destinoak (adimen-desgaitasuna duten pertsonentzako kupoa) ez badira betetzen ez dagoelako hautaketa-prozesua gainditzten duen izangai nahikorik, destino horiek desgaitasunen bat duten langileentzako erreserba-kupoan gehituko dira (bestelako desgaitasunak dituzten pertsonentzako kupoa).

Desgaitasunen bat duten langileentzako destinoak ez badira betetzen ez dagoelako hautaketa-prozesua gainditzten duen izangai nahikorik, destino horiek dagokion txandako sarbide orokorreko lanpostuetan gehituko dira; hots, barne-sustapenean edo txanda irekian.

Oinarri orokorretako 2. oinarrian ezarritakoaren arabera, deialdi honen xede diren zerbitzu sanitarioetako erakundeetan destinoak, lehiaketa-oposizioko blokekoak zein lehiaketako blokekoak, zehaztuko dira, Euskal Herriko Agintaritzaren Aldizkarian Osakidetza-Euskal osasun zerbitzuko lekualdatze-lehiaketa ireki eta iraunkorreko uneko zikloko destinoen behin betiko esleipenaren ebazpena argitaratu ondoren, deialdiaren xede diren kategoriak, eta Euskal Herriko Agintaritzaren Aldizkarian 2018-2019ko EPEko behin betiko esleipenaren ebazpena argitaratu ondoren. Bi horiek Osakidetza-Euskal osasun zerbitzuko zuzendari nagusiaren ebazpen bidez argitaratuko dira, eta Osakidetza-Euskal osasun zerbitzuaren webgunean argitaratuko dira.

III. ERANSKINA

MEREZIMENDUEN BAREMOA TEKNIKARI ESPEZIALISTA SANITARIOAK
LANBIDE-TALDEKO AHO HORTZEN HIGIENEO TEKNIKARI ESPEZIALISTA
KATEGORIAN, OSAKIDETZA-EUSKAL OSASUN ZERBITZUKO ZERBITZU
SANITARIOETAKO ERAKUNDEETAKO DESTINOETARAKO

1) Lan-esperientzia (gehienez, 60 puntu).

Eskabideak aurkezteko epearen azken egunaren aurreko 20 urteetan izangaiei aitortu zaien zerbitzaldia hartuko da kontuan.

Zenbaketa osoa lan egindako egun naturaletan oinarrituko da, eta baztertu egingo dira hilabetetik beherako soberakinak. Horretarako, 30 egun naturaleko multzoa hartuko da hilabetetzat.

1.– Osakidetza-Euskal osasun zerbitzuko zerbitzu sanitarioetako erakundeetan eta autonomia-erkidegoetako osasun-zerbitzuetakoetan Aho Hortzen Higieneko teknikari espezialista gisa emandako zerbitzuen hilabete bakoitzeko: 0,22 puntu.

2.– Gizarte Segurantzako zerbitzu sanitarioetako erakundeetan, aurreko puntuan aipatu ez diren administrazio publikoetan edota Europar Batasuneko gainerako estatu kideen sare publikoko zerbitzu sanitarioetan Aho Hortzen Higieneko teknikari espezialista gisa emandako zerbitzuen hilabete bakoitzeko: 0,055 puntu.

Barne-sustapeneko txandaren bidez sartzten diren langileei ondoren zehazten den moduan zenbatuko zaizkie alde zuzeneko zerbitzuak:

a) E taldean eskainitako zerbitzuak: 0,08 puntu hilabete bakoitzeko.

b) D taldean eskainitako zerbitzuak: 0,10 puntu hilabete bakoitzeko.

c) C taldean eskainitako zerbitzuak: 0,12 puntu hilabete bakoitzeko.

d) Lortu nahi den lanpostu berean emandako zerbitzuak:

d.1) Osakidetza-Euskal osasun zerbitzuko zerbitzu sanitarioetako erakundeetan edo autonomia-erkidegoetako osasun-zerbitzuetan: 0,22 puntu hilabete bakoitzeko.

d.2) Gizarte Segurantzako zerbitzu sanitarioetako erakundeetan, aurreko puntuan aipatu ez diren administrazio publikoetan edota Europar Batasuneko gainerako estatu kideen sare publikoko zerbitzu sanitarioetan: 0,11 puntu hilabete bakoitzeko.

Zerbitzu-eginkizunetan edo goragoko kategoriako eginkizunetan emandako zerbitzuak benetan betetako lanpostuan zenbatuko dira.

Halaber, jatorrizko lanpostuan zenbatuko dira zerbitzu berezietan emandako zerbitzuak.

2) Prestakuntza, irakaskuntza eta ikerketa (gehienez, 20 puntu).

A) Apartatu honetan, honako hauen arabera egiaztatzen den prestakuntza baloratuko da:

a) Graduurreko prestakuntza:

Dagokion espezialitateko edo baliokideko goi-mailako teknikariaren ikasketetan ateratako oharrezko matrikula edo bikain bakoitzeko (honako ikasgai hauek ez dira kontuan hartuko: erlijioa, etika, prestakuntza politikoa, heziketa fisikoa eta hizkuntzak):

– ohorezko matrikula bakoitzeko: 0,6 puntu.

– bikain bakoitzeko: 0,4 puntu.

Informatikako ezagutzak (gehienez, 2 puntu).

B) Apartatu honetan, eskaerak aurkezteko azken egunaren aurreko 10 urteetan amaitu den prestakuntza baloratuko da, eta honela egiaztatuko da:

a) Etengabeko prestakuntza:

Eskatutako destinoaren kategoriarekin zerikusia duten ikastaroetara joateagatik:

– 9 ordura arte: 0,50 puntu.

– 10 eta 19 ordu bitartean: 1 puntu.

– 20 eta 29 ordu bitartean: 2 puntu.

– 30 eta 49 ordu bitartean: 3 puntu.

– 50 eta 99 ordu bitartean: 4 puntu.

– 100 eta 199 ordu bitartean: 5 puntu.

– 200 ordu edo gehiago: 6 puntu.

Ikastaroen egiaztagirian kreditu kopurua bakarrik jasota dagoenean, puntuazioa emateko balio-kidetasun hau egingo da:

– Kredituen Europako Sistemaren (ECTS) 1 kreditu: 25 ordu.

– Etengabeko Prestakuntza Batzordeko 1 kreditu: 10 ordu.

Ikastaroaren ordu kopurua eta kreditu kopurua adierazten ez duten egiaztagirien kasuan, edo kredituak izan bai, baina horiek aurreko paragrafoan zehaztutakoak ez direnean edo kredituen beste ordu-baliokidetasun bat ezartzen denean, epaimahaiak, aurkeztutako egiaztagiriak eta ikastaroaren edukia ikusita, dagokion puntuazioa emango du, eta kasu horretan ez du inolaz ere 0,50 puntu baino gutxiago emango.

Erakunde ofizialek, unibertsitateek, erakunde sanitarioek eta, hala badagokio, elkargo profesionalek eta elkarte zientifikoek egiaztatutako/akreditatutako ikastaroak baloratuko dira, baita edozein administrazio publikok hitzartutako etengabeko prestakuntzako akordioen arabera egiaztatutako/akreditatutako ikastaroak ere, betiere titulu ofizial bat lortzeko ikasketa-plan baten barrukoak ez badira.

b) Irakaskuntza-jarduerak:

– Irakaskuntza, etengabeko prestakuntzako programa ofizialetan (ordu bakoitzeko): 0,050 puntu.

c) Jarduera zientifikoa eta ezagutzaren hedapena:

Eskatutako destinoko lanpostu funtzionalarekin zerikusia duten lan zientifikoak argitaratzearen, txostenak aurkeztearen, komunikazioak aurkeztearen, hitzaldiak ematearen edo mahai-inguruetan parte hartzearen:

– Txosten bakoitzeko: 2 puntu.

- Ahozko komunikazio/poster bakoitzeko: 1 puntu.
- Mahai-inguru bakoitzeko: 1 puntu.
- Argitalpen bakoitzeko (lehenengo egilea): 2 puntu.
- Argitalpen bakoitzeko (beste egile batzuk): 1 puntu.

Ez da baloratuko atal honetan zehaztu ez den merezimendurik.

3) Euskara:

- 2. HE: 18 puntu.
- 1. HE: 9 puntu.

IV. ERANSKINA

AHO-HORTZEN HIGIENEO TEKNIKARI ESPEZIALISTA

I.– GAI-ZERRENDA OROKORRA

1.– Harrera eta logistika hortz-asistentzian.

1.1.– Klinikaren jarduerak antolatzea eta aho-hortzen osasun-unitatea.

1.2.– Pazienteak hartzeko prozesuak aplikatzea, eta haien eskaerak emango den zerbitzuarekin lotzea.

1.3.– Pazienteen fitxategiak kudeatzea, aplikazio informatikoak erabiliz.

1.4.– Dokumentazio klinikoa kudeatzea, eta dokumentuak identifikatzea, beharren eta inplikatu-tako zerbitzu kliniko motaren arabera.

1.5.– Tresneria prestatu eta martxan jartzea, erabiltzeko baldintzak identifikatuz.

1.6.– Materiala eta tresneria eskuratzeko eta biltegitratzeko lanak antolatzea, kudeaketa-teknikak aplikatuta.

1.7.– Lan-arriskuen prebentzioari eta ingurumen-babesari buruzko arauak aplikatzea, arriskuak eta horiei aurrea hartzeko neurriak eta ekipoak identifikatuta.

2.– Aho-barrunbearen azterketa.

2.1.– Hortzen eraketaren eta erupzioaren sekuentzia kronologikoa definitzea, eta garapen enbriologikoaren faseekin lotzea.

2.2.– Buruko eta lepoko egitura anatomikoak ezagutzea, eta horien ezaugarri morfologikoak deskribatzea.

2.3.– Aparatu estomatognatikoaren funtzionamendua baloratzea eta haren fisiologiarekin lotzea.

2.4.– Txantxar-lesioak ezaugarritzea, eta faktore etiopatogenikoekin eta klinikoenekin lotzea.

2.5.– Gaixotasun periodontala ezagutzea, eta faktore etiopatogenikoekin eta klinikoenekin lotzea.

2.6.– Aho-hortzen barrunbearen berezko asaldurak identifikatzea eta haien ezaugarri patologikoekin lotzea.

2.7.– Aho-hortzen barrunbearen berezko asaldurak identifikatzea eta haien patologia sistemoarekin lotzea.

2.8.– Paziente berezien arrisku-faktoreak identifikatzea eta emandako asistentziarekin lotzea.

3.– Aho-barrunbearen miaketa.

3.1.– Hortz-tresneriaren funtzionamendua egiaztatzea, eta osagaien ezaugarriak deskribatzea.

3.2.– Aho-hortzen kabineteko tresneria eta materiala prestatzea, eta desinfekzio- eta esterilizazio-teknikak hautatzea.

3.3.– Anamnesia eta aho-hortzen barrunbearen miaketa egitea, ezaugarriak identifikatuta.

3.4.– Hortz-erradiodiagnostikoko irudiak lortzeko teknikak aplikatzea eta parametro erradiologikoak hautatzea.

3.5.– Hortz-erradiodiagnostikoaren erradiobabeseko eta kalitateko neurriak aplikatzea, araudi espezifikoa interpretatuta.

3.6.– Lan-arriskuen prebentzioari eta ingurumen-babesari buruzko arauak aplikatzea, arriskuak eta horiei aurrea hartzeko neurriak eta ekipoak identifikatuta.

3.7.– Pazienteen jarrera eta egoera emozionalak identifikatzea, psikologia orokorreko oinarrizko printzipioak aplikatuta.

4.– Aho-hortzetako ebakuntza.

4.1.– Hobiak eta pitzadurak zigilatzea, hortzen azalaren ezaugarriekin lotuta.

4.2.– Fluoruro topikoak aplikatzea, motak eta aplikazio-teknikak deskribatuz.

4.3.– Hortz-kalkuluak kentzea, teknika egokia hautatuta.

4.4.– Hortz-tindaketa estrintsekoak kentzea, teknika egokia hautatuta.

4.5.– Hortzen obturazioak leuntzea, dagozkion teknikak hautatuta.

4.6.– Aho-hortzen barrunbeko plaka bakterianoa kentzea, kontrolatzeko eta kentzeko metodoak hautatuta.

4.7.– Hortzen hipersentikortasuna kontrolatzeko teknikak aplikatzea, hortzen gainazaleko lesioen etiologiarekin lotuta.

5.– Epidemiologia osasunean.

5.1.– Berriazko biztanle-taldeentzako jarraipen-programak eta azterketa epidemiologikoak planifikatzea, helburuak eta jarduerak zehaztuta.

5.2.– Komunitate baten aho-hortzetako osasun-mailak zehaztea, adierazleak aztertuta.

5.3.– Taldeen datu epidemiologikoak lortzea inkesten bidez, eta horiek egiteko teknikak deskribatzea.

5.4.– Komunitate baten aho-hortzetako osasun-mailak identifikatzea, eta azterketa epidemiologikoetan lortutako emaitzak interpretatzea.

5.5.– Esku-hartze sanitarioko programetako datu epidemiologikoei buruzko informazioa, arrisku-taldeen ezaugarriak deskribatuta.

6.– Ahoko osasunerako heziketa.

6.1.– Aho-hortzen osasunari buruzko informazioa lortzea taldeak eta pertsonak karakterizatzeke, eta berriazko teknikak hautatzea.

6.2.– Osasuna sustatzeko eta hezteko ekintzak antolatzea, hainbat egoera eta pertsonarentzako jarduerak programatuz.

6.3.– Aho-hortzen osasunari buruzko informazioa prestatzea, eta edukiak xede-taldearen arabera hautatzea.

6.4.– Pertsoneri eta taldeei aho-hortzetako osasunari buruzko informazioa ematea, eta haien ezaugarrietara eta motibaziora egokitutako teknikak aztertzea.

6.5.– Aho-hortzen osasunaren hezkuntza- eta sustapen-jarduerak implementatzea, taldeen ezaugarrien arabera hautatuta.

6.6.– Osasun-hezkuntzako programak ebaluatzeko teknikak aplikatzea, eta helburuak lortutako emaitzekin lotzea.

7.– Kontserbatzailea, periodontzia eta inplanteak.

7.1.– Hodien tratamenduan laguntza-teknikak aplikatzea, hortz-mamiko afekzioarekin erlazionatuz.

7.2.– Periodontziako laguntza-teknikak aplikatzea, esku hartzeko prozedurak interpretatuta.

7.3.– Hortz-erazketetan eta aho-hortzen kirurgian laguntza-teknikak aplikatzea, tresneria eta materiala hautatuta.

8.– Protesiak eta ortodontzia.

8.1.– Fitxa klinikoa betetzea, eta protesien eta ortodontziaren erregistro diagnostikoak identifikatzea.

9.– Lehen sorospinak.

9.1.– Larrialdi bateko asistentziaren hasierako balorazioa egitea, arriskua, eskura dauden baliabideak eta beharrezko laguntza mota deskribatuz.

9.2.– Oinarrizko bizi-euskarriko teknikak aplikatzea, deskribatzea eta lortu beharreko helburuarekin lotzea.

9.3.– Biktimak immobilizatzeko eta mobilizatzeko prozedurak aplikatzea, baliabide materialak eta teknikoak hautatuta.

9.4.– Istripua izan duen pertsonari eta haren laguntzaileei laguntza psikologikoa eta autokontrolak emateko teknikak aplikatzea, komunikazio-estrategia egokiak deskribatuta eta aplikatuta.

10.– Fisiopatologia orokorra.

10.1.– Giza organismoaren egitura eta antolaketa orokorra ezagutzea, eta haren egitura-unitateak eta erlazioak deskribatzea, espezializazioaren arabera.

10.2.– Gaixotasuna garatzeko prozesua identifikatzea, eta organismoaren aldaketa funtzionalekin eta eragiten dituen alterazioekin lotzea.

10.3.– Immunitate-sistemaren nahasmenduak ezagutzea eta immunitatearen ezaugarri orokorrekinekin lotzea.

10.4.– Gaixotasun infekziosoen ezaugarriak identifikatzea, eta agente infekziosoak eta zeinu klinikoak lotzea.

10.5.– Tumorearen garapen-prozesua identifikatzea, eta neoplasia onberen eta gaiztoen ezaugarriak deskribatzea.

10.6.– Gaixotasunen adierazpenak ezagutzea, eta organismoaren sistema handien patologia-ren alterazio fisiologikoak deskribatzea.

10.7.– Nahasmendu hemodinamikoak eta baskularrak ezagutzea, eta horien alterazioak gaixotze handiko eta hilkortasun handiko giza gaixotasunekin lotzea.

10.8.– Elikaduraren eta metabolismoaren nahasmenduak ezagutzea, eta patologia arruntan adierazpenekin lotzea.

GAI-ZERRENDA OROKORRAREN BIBLIOGRAFIA

Aran argitaletxea:

- 1.– Recepción y logística de la clínica dental. ISBN: 9788418116599.
- 2.– Estudio de la cavidad oral I-II. ISBN: 9788418547553/ ISBN 9788418547577.
- 3.– Exploración de la cavidad oral. ISBN: 9788418547003.
- 4.– Intervención de la cavidad oral. ISBN: 9788418116537.
- 5.– Epidemiología en salud oral. ISBN: 9788416293315.
- 6.– Educación para la salud oral. ISBN: 9788418116612.
- 7.– Conservadora. periodoncia e implantes. ISBN: 9788416293339.
- 8.– Prótesis y ortodoncia. ISBN: 9788416293148.

Paraninfo argitaletxea.

- 9.– Fisiopatología general. ISBN: 9788413661148.
- 10.– Intervención bucodental. ISBN: 9788497328654.
- 11.– Primeros auxilios. ISBN: 9788497324335.

Síntesis argitaletxea:

- 12.– Conservadora, periodoncia, cirugía e implantes. ISBN: 9788490772751.
- 13.– Educación para la salud oral. ISBN: 9788491710158.
- 14.– Estudio de la cavidad oral. ISBN: 9788490772942.
- 15.– Fisiopatología general. ISBN: 9788490773178.

II.– GAI-ZERRENDA KOMUNA

- 1.– Euskadiko Antolamendu Sanitarioa.
- 2.– Osakidetza-Euskal osasun zerbitzua Ente Publikoa.
- 3.– Osakidetzako paziente eta erabiltzaileen eskubideak eta betebeharrak.
- 4.– Osasunaren arloko aurretiazko borondateak.
- 5.– Datu Pertsonalak Babesa eta Eskubide Digitalak Bermatzea.
- 6.– Emakumeen eta gizonen arteko berdintasuna.
- 7.– Marko Estrategikoa.
- 8.– Osasun Plana. Euskadiko Osasun Politikak.

9.– Pazientearen Segurtasun Estrategia Osakidetzan.

10.– Euskadiko Arreta Soziosanitarioko Estrategia.

11.– Osakidetzan Euskararen erabilera normalizatzeko III. Plana.

GAI-ZERRENDA KOMUNAREN BIBLIOGRAFIA

1.– 8/1997 Legea, ekainaren 26koa, Euskadiko Antolamendu Sanitarioarena.

2.– 255/1997 Dekretua, azaroaren 11koa, Osakidetza-Euskal osasun zerbitzua Ente Publikoaren Estatutu Sozialak ezartzen dituenak.

3.– 147/2015 Dekretua, uztailaren 21ekoa, Euskadiko osasun-sistemako pertsonen Eskubideei eta Betebeharrei buruzko Adierazpena onartzen duena.

4.– 7/2002 Legea, abenduaren 12koa, osasun-arloko aurretiazko borondateena.

5.– 3/2018 Lege Organikoa, abenduaren 5ekoa, Datu Pertsonalak Babesteari eta Eskubide Digitalak Bermatzeari buruzkoa.

6.– 4/2005 Legea, otsailaren 18koa, Emakumeen eta Gizonen Berdintasunerakoa, martxoaren 3ko 1/2022 Legearen bigarren aldaketa barne.

7.– Marko Estrategikoa. Osasun Saila. 2021-2024.

https://www.euskadi.eus/contenidos/informacion/marco_estrategico_2021_2024/eu_def/adjuntos/Marco-Estrategikoa-Osasun-Saila-2021-2024.pdf

8.– Osasun Plana. Euskadiko Osasun Politikak 2013-2020.

http://www.osakidetza.euskadi.eus/contenidos/informacion/publicaciones_informes_estudio/eu_pub/adjuntos/osasun_plana_2013_2020.pdf

9.– Pazientearen Segurtasun Estrategia Osakidetzan 20 20.

https://www.euskadi.eus/contenidos/informacion/cinfo_estrategia_seg_paciente/eu_def/adjuntos/ESTRATEGIA2020_eu.pdf

10.– Euskadiko Arreta Soziosanitarioko Estrategia (2021-2024).

https://www.euskadi.eus/contenidos/documentacion/doc_sosa_soziosanitario_estrat/eu_def/adjuntos/estrategia_sociosanitaria_187x280_eu_web.pdf

11.– Osakidetzan Euskararen erabilera normalizatzeko III. Plana 2022-2028.

https://www.osakidetza.euskadi.eus/contenidos/informacion/osk_trbg_planes_programas/eu_def/adjuntos/Osakidetzan-Euskararen-Erabilera-Normalizatzeko-III-Plana-2022-2028.pdf